

Урдкин туск подлвр

Советск йосна газадин болн дотр-дундин хортдудла, Коммунистическ партин болн Советск правительствин тууджлгч ноолдана цагин гургуд, дакад мана орн-нутгт шин экономическ политик белдджэх цагт, ленинск комсомолин III-ч Всероссийск хургин (съездин) хобн, 1921 джилд, би комсомолин зерглэнд орлав.

Ленинск комсомол эн цагт кбдлмштэн дуувр сан йовдлмуд кўцаггяд, эвранны зерглэндэн брэл сай гар багьчудин союзин чледудтэ болдж гарла. 1920 джилин чилгчд багь наста Советск Республик газадин болн дотр-дундин хортан дарла.

Дбрвн джилин имперналистическ, гурвн джилин газадин орн-нутгудин мана орн-нутгур дэврлгнэ дээнэ ик аюлд, мана тбрснэ эдл-аху сўуртэн кўрч эвдрлэ. Промышленность, селэнэ эдл-аху болн кблгн-кўчн авртэггяр дорацад, оln-амтнэ эдлвр дегд му цагт, мана Хальмг танггчд багьчудин союз бурдэгдлэ.

Мини насна улс тўрўн болдж комсомолд орлавдн. Нанла хамдан комсомолд Бембя Адучиевич Кадушев, Сергей Дмитриевич Коротецкий, Басанг Яванович Яванов, нань чигн оln багьчуд орцхала.

Эн тўрўн хурасн хург деер намаг комсомольск ячейкин ахлачд сунггяла. Дарунь тер цагт Аэдрхнд бэасн хальмг райком комсомолин эклц комсомольск ячейкин сеглэтр болн РКСМ-н Хальмг райкомин бюрон член болув, дакад райком комсомолин негдгч сеглэтрт шиидгдув.

Комсомолин зерглэнд орна авн бидн Аэдрхн балгьснд дээнэ цагт эвдрсн хамг эдл-аху хэру бурдэлгнэ ик шунмггягар орлцлавдн. Кутум голд тагт тэвлэвдн, балгьсн дотраггур ус гўулгх канав малтлавдн, Иджлар ирсн баржмудас ацаггинь буулггялавдн, балгьсна уульнцин девскр тэвлэвдн, дакад чигн балгьсна оln-зўсн эвдркэ яславдн. Тер бийн бидн сурггюль сурлггян хайл уга, сурггюлэн даслг билэвдн: Кадушев болн Коротецкий медицинститутд сурцхадг билэ, Базырова Кооку юридическ институтд, би II-ч девснггин школд сурад, энугэн 1923 джилд чилэггяд, Маныческ улусд сурггюлин багш болдж одлав. Энунд школин заведующ кбдллэв. 1929 джил кўртл комсомолин зерглэнд бээггяд, комсомольск кбдлмшэн хайл уга, данггин кбдллэв.

НИКИТИНА
Елена Алексеевна.